

【國家社會科學基金重大項目】

何建明

主編

中國地方志
佛道教文獻匯纂

人物卷

(43)



國家圖書館出版社

【國家社會科學基金重大項目（11&ZD119）】
中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（43）



國家圖書館出版社

中國地方志佛道教文獻匯纂·人物卷

浙江省 嘉興市

重修烏青鎮志

明·李樂纂

明萬曆二十九年（一六〇一）刻本

重修烏青鎮誌卷之三

人物志

方外志

如縱者鹽官悟空禪師之法嗣也唐咸通初遊方至鎮見賢德寺即密印寺荒廢嘆曰惜哉古之遺跡也不

以吾興則終於湮沒矣遂葺而新之不替年殿堂房
宇翕然修復四方杖錫而來問道者不下數千人蘇
州郡守穆公請寺額于朝勅賜為悟空禪院乾符六
年夏無疾而逝縱實悟空禪院之開山僧也

吳興僧抱玉族姓唐母梅氏孕協灵祥惡孽穢十歲即
思佛乘遂于法華寺出家誦蓮經三月通貫年二十
詣京受戒唐肅宗夢吳僧誦法華口出五色光玉召
試果然帝大悅賜名大光封天下上座居京三年以
慈親在吳上表乞歸報恩刺史顏防為築庵于烏鎮

號曰光明蓮社士庶皈依者千數事載吳興掌故

楚文禪師青鎮壽聖塔院僧南岳十二世保寧仁勇禪師之法嗣也服勤佛法洞明旨趣學徒叅請無虛日僧俗受戒者殆千人一日沐浴辭衆談笑而逝月餘闍維之得五色舍利千餘顆

行昭密印寺僧有戒行念自睦寇以來罹兵火死者無算不知其幾非萬觔鍾振雷霆聲安能警昏暮極沉淪于是募衆增益舊鍾以鑄之所獲銅一萬二千觔三鑄而三不就乃易地再鑄萬人環繞洪爐修金光

明懺法金將躍冶地忽震動氛雲垂下若可挽者昭
鼓衆誦觀音號曰若無成吾委身爐中矣少頃冶者
懽曰鍾成矣開模無少損俄大雨霽霽昭大驚冶工
曰火氣盛非兩殺其力則不能遠震此上帝加祐上
人願力也已而果然昭又念鍾成非高樓不可吾求
於人屢矣多求則信心薄乃易產舉適得二千緡不
能當樓費十之一多方營構而樓始成瀘南帥馮櫟
撰銘

車溪法師宋熙寧中自上天竺舉住持嘉興郡青鎮廣

福教寺以講業授弟子盈三千指大觀二年示寂作塔芙蓉浦上見周仁榮天台教寺記

湛法師繼車溪居天台教寺持法華經多殊勝事嘉定間寶文閣待制陳公杞以事聞於朝賜田給柴蕩法教大振

祝道誠烏鎮慶善庵道人操履清修發心弘濟嘗募緣以濟饑寒救病患捨衣棺殯骸骨歲無虛日兩浙漕運使方務德奏其功行於朝孝宗初度為僧賜慶善庵額曰利濟院紹定元年春結草龕以坐化進士顧

元龍為之記

洪智天台教院僧號大圓能詩與叅知陳簡齋為友

若愚字極蒙寶閣寺僧夙夜勤學寒暑不倦嘗靜夜演說妙理天燈群集人咸驚異洪武時人

松佛日賢首寶閣僧精修戒行高宗召賜金襴袈裟

賓法師密印寺僧慶曆間建華嚴寶閣居晉水法師演華

嚴雨花至高麗花上紋成晉水二字高麗國王遣使

訪之

弘道號竹隱族姓沈氏吳江人年十三辭父母出家受

具於青墩密印寺師事慈雲屋習學儒書梵典罔不
精通戒行堅恪鄉人仰慕洪武丙辰住杭州天竺註
釋楞伽等經聲譽日振江湖皈心舉高僧授杭州府
僧綱司都綱未幾召入為僧錄司左善世受知於

高皇帝洪武辛未告老賜馳驛歸此特恩也明年秋跣趺
而逝

淨能烏鎮普靜寺僧能念金剛神呪嘗有漁人張網捕
魚魚滿網能為呪之皆解脫去連舉數網連呪盡然
漁人感悟遂祝髮為僧事載永樂大典

趙宗道字坦然祖沁慈威淳間舉進士及第父崇權仕
嘉興路儒學教諭宗道生而穎悟喜黃老言幼與群
兒戲設俎豆為齋醮之儀弱冠師事肯堂沈法師博
通玄教精於五雷秘法兩陽祈禱無不立効每行齋
醮必有驚鵲降壇之應元文宗授住持領崇福宮事
至正四年賜號崇真妙應通玄法師十六年又進號
大真人卒於崇福宮塋西北隅有碑誌

朱道明烏鎮人為黃冠行五雷法能咒風雨雷電祈禱
立應至今稱朱法師

妙普庵主性空禪師漢州人久依死心禪師獲證乃來
結茅于青龍吹鐵笛以自娛宋建炎初徐明叛道經
烏青鎮肆殺戮民多逃隱禪師獨荷策而往賊見其
偉異疑而問之禪師曰吾欲抵密印寺賊欲斬之禪
師即索一飯自作文以祭其語超卓賊駭令衛而送
之鎮之廬舍免於賊焚實禪師之惠也後化去衆奉
舍利塔于青龍今莫知其所矣

高峰禪師諱原妙吳江徐氏子授密印寺法住出家後
從雪巖欽禪師獲悟後入西天目山有語錄行世終

中國地方志佛道教文獻匯纂·人物卷
浙江省 嘉興市

烏青鎮志

清·董世寧纂修

民國七年（一九一八）鉛印本

烏青鎮志卷十一

釋老

浮屠老子君子辭而闢之無如儒門淡泊標高揭己之士往往遁入彼教若鎮之高僧如縱羽士趙宗道輩其最著者也志釋老

唐

如縱者鹽官悟空禪師法嗣咸通初遊方至鎮見賢德寺

即密印寺

荒廢歎曰惜哉古之遺跡也不以吾

興則終于湮沒矣遂葺而新之不期年殿堂房宇翕然修復四方杖錫而來問道者不下數千人蘇州郡守穆公請寺額於朝勅賜悟空禪院乾符六年夏無疾而逝縱實悟空禪院之開山僧也

李志

德會禪師繼縱公住密印丙辰江淮大旱本寺復遭賊軍張雄燒劫殆盡會亦避難初賊之至也侍人曰賊將近矣宜遠逃會曰命可逃乎臨大難而苟免識者之差少頃賊至緇徒駭散惟會端居丈室怡然不動賊見而叱曰人耶杌耶何不見禮于我耶會曰莎鷄之羽不足以動大鵬之翼也賊怒而刃之白乳流地賊退行欽等四人復其寺求居民以完之會即無着文喜大師之法嗣也

樹印
通考

吳興僧抱玉族姓唐母梅氏孕協靈祥惡葷穢十歲即思佛乘遂于法華寺出家誦蓮經三月通貫年二十詣京受戒肅宗夢吳僧誦法華口出五色光玉召試果然帝大悅賜名大光封天下上座居京三年以慈親在吳上表乞歸報恩刺史顏防爲築庵于烏鎮號曰光明蓮社士庶皈依者千數李志

李志云事載吳興掌故按之止載李紳大光大師碑中有云初勅住千福寺後居藍田精舍再住資聖寺有詔許還既止烏程于永貞元年十二月示滅于法華寺之經院是月告刺史顏防曰去矣初未有築庵烏鎮號光明蓮社之說也且所云蓮社者疑自宋高宗書以賜臣張掄而明宣德九老始擬此以爲八景之一蓋宋指普靜寺豈臨川所云又別有其地耶

伏虎禪師普靜寺其家山也曾齋平江承天寺羅漢降靈光勝蹟甲昂諸刹

趙恒寺記

(西吳里語禪師名如訥中和開辭師出遊師曰逢道即止經吳興道場山山故多虎訥策筇直上坐磐石虎伏其側結庵居之名其處曰伏虎岩

宋

楚文禪師壽聖塔院僧南岳十二世保寧仁勇禪師法嗣也服勤佛法洞明旨趣學徒參請無虛日僧俗受戒者殆千人一日沐浴辭衆談笑而逝月餘闍維之得五色舍利千餘顆李志

晉水名淨源字伯長姓楊氏密印寺僧慶歷間衍法華寶典天雨花至高麗國花瓣刺晉水二字高

麗國王子爲僧曰統義天航海而來問法于師并貢花朝廷遣侍講楊傑館伴其花詔藏寺中特起閣貯之至今名曰寶閣師合華嚴證聖正元二疏爲一以便觀覽製華嚴楞嚴圓覺二懺法及法華集義通要十四卷又疏解仁王般若等經元祐三年冬示寂茶毗得舍利無數先世泉之晉水人故學者以晉水稱之文獻

車溪法師熙寧中自上天竺舉住持嘉興郡青鎮廣福教寺以講業授弟子盈三千指大觀二年示

寂作塔芙蓉浦上

周仁祭天台教寺記

遵式字師道出長洲之顧氏熙寧間湖州烏墩鎮改壽聖教院爲禪刹太守唐垌請師開山住持時錢塘契嵩長老爲禪家祖圖別其宗派吳僧子昉作止訛論力詆之師曰禪講二門皆佛所建宗旨雖殊其接一也乃作解謗說一篇闢其謬妄衆疑氷釋少保李公端愨錫以紫衣留後張公敦禮秦賜圓義之號師于教義洞徹疏僧肇論四卷解杜順法界觀爲摘要記四卷以彌勒佛所頌金剛經爲助深記三卷注證道歌一卷及三會語錄二卷並傳于世今之談肇論者以師爲指南

云鄭續圓義禪師拾銘

性空漢州人

嘉興府志華亭鄉人

久依死心獲證乃抵秀水結茅青龍之野吹鐵笛自娛建炎初徐明叛道經

烏青鎮志

卷之十一

釋老

二

烏青鎮肆殺戮民多逃亡師獨荷策而往賊疑必詭伏者問其來曰吾禪者欲抵密印寺賊怒欲斬之師曰大丈夫要頭便斫取奚怒爲乃素筆自作祭文訖大呼斬斬賊駭異稽首謝過令衛而出廬舍免焚後奉靈骨舍利塔于青龍文獻

若觀姓錢居烏鎮四方欽之後坐逝茶毗值日輪當午舍利迸出光瑩奪目

烏程高志

行昭紹興初出家密印寺謂唐僧三果嘗靜夜擊鐘墮鬼趣者聞之皆脫苦念自睦寇以來罹兵火死者衆非萬觔之鐘震雷霆之聲不能警昏夢于是募緣鑄之三鑄不就乃易地再鑄萬人環繞金將躍冶昭誓曰若無成吾委身爐中矣鐘果成比隣張氏啟戶觀鑄見金甲神長數丈環衛鑄

所制鄉志

李志鐘成俄大雨霪霪昭大驚冶工曰火氣盛非兩殺其力則不能遠震此上帝加祐上人願力也昭又念鐘成非高樓不可乃易產舉遺得二千緡不能當樓費十之一多方營構而樓始成

繼佛日寶閣寺僧精修戒行孝宗朝祈禱數驗詔賜金襴袈裟

分署紀事本末

(百城煙水)吳字鑑義崇寧間曾開演華嚴疏鈔于吳中臥龍街之報恩寺

湛法師繼車溪居天台教寺持法華經多殊勝事嘉定間寶文閣待制陳公杞以事聞于朝賜田給

柴蕩法教大振李志